

VUÕIGGÂDVUÕTTMINISTERIA TEÂDAT

26.11.2018

Gollegiella –Tâ'vjjânnamlaž sâä'm ķiõllciistt juu'levsâä'm da ķi'lddsâä'm ooudâsviikkjid

Karin Tuolja Ruõcc Jokkmookkâst da **Jekaterina Mechkina** Ruõššjânnam Muurmnest vuäžža tâ'vjjânnamlaž sâä'mķiõl ķiõllciist ee'jjest 2018.

Gollegiella – Tâ'vjjânnamlaž sâä'm ķiõllciistt jue'jjet Karin Tuoljaa'je Taar, Ruõcc da Lää'ddjânnam sâä'maa'sšin va'stteei ministeeri da sâä'mtii'gģi saaggtuõ'll'jee'ji sâbbar õhtvuõđâst Oslost 26.11. da Jekaterina Mechkinaa'je Muurmnest 29.11. Ķiõllciist täävtõssân lij mie'ttvaikkted sâä'mķiõl staanummša, ooudâsviikkmo'šše da seillmõ'šše Taarâst, Ruõccâst, Lää'ddjânnmest da Ruõššjânnmest.

Karin Tuolja lij tuejjâam tuâj juu'levsâä'm pue'rren Ruõccâst čõõđ ääi'j vuõrâsooumažpoodd. Son lij toi'mmjam u'čtee'len, ķiõll'jâarglõttjen, mättmateriaal ooudâsviikkjen da ķiõllta'rkķee'jen. Tuolja lij tää'rkes ooumaž juu'levsâä'm ķiõllõhttsažkâ'đdest, da su'st lij leammaž kõskksaž miârktõs Taar da Ruõcc kõskksâst ķiõllõhttsažkâ'đdest, jeä'rben sâä'nnree'gģesvuõđ da termmõõzz ooudâsviikkmo'žžâst da Biblija jâarglâttmõõžžâst.

Jekaterina Mechkina vuäžž Gollegiella- ķiõllciist ku'kesäiggsaž tuâjast ķi'lddsâä'm statuuzz staaneem diõtt Ruõššjânnmest. Son lij vuässõõttâm sâä'nnree'gģesvuõđ ooudâsviikkmo'šše da ķi'lddsâä'm sâä'nnķee'rj raajjmõ'šše. Mechkina lij keerjtam da jâarglâttam ķii'rjid di viikkâm ooudâs mättmateriaal. Suu tuejjõõzzi mie'ldd määngas liâ tobdstõõttâm Muurman vuu'd ķi'lddsâ'mmlai jeallma da kulttuu're.

Ķiõllciistt uu'det õõoutoummid le'be õhttsažkoo'ddid, kook liâ teä'n'jam toi'mmjee'l miârkteeinalla sâä'mķiõl ooudâsviikkmo'žž õõudâst. Cistt jue'jjet å'n kääucad vuâra. Puõ'di vuâra cistt jue'jjet ee'jj 2020 Lää'ddjânnam toi'mmjeen koolm jânnam sâä'maa'sši õhttsažtuâj saaggtuõ'll'jee'jen.

Cisttlu'vddkâdda ku'le Neeta Jääskõ Lää'ddjânnmest, David Kroik Ruõccâst, Nina Afanasieva Ruõššjânnmest, Solvâr Knutsen Turi da Jane Juuso Taarâst.

Lâä'ssteâđ:

sagstõõlli naača'lniķ Johanna Hautakorpi, vuõiggâdvuõttministeria, te'l. 02951 50018, risttnõmm.sokknõmm@om.fi

Cisttlu'vddkâ'â'dd vuäzzlaž Neeta Jääskõ Lää'ddjânnam sâä'mtee'gģest, te'l. 0405969230, risttnõmm@neetainari.fi